





唐李推官披沙集









披沙集卷六

四部叢刊集部

上海潘家樓借上元
鄧氏三李盦藏宋刊
書樹本景印原書板
佳高營造尺五寸四
分寬四寸一分

唐李推官披沙集序

予生百無所好而顧獨尤好文詞如好好色也
至於好詩又好文詞中之尤者也至於好晉唐
人之詩又好詩之尤者也予於天下士大夫家
及入三館傳唐詩數百家多至百千篇寡至一
二篇自謂三百年間奇瓊詭寶略無遺矣晚識
李兼孟達於金陵出唐人詩一編乃其八世祖
推官公披沙集也如見後却無語別來長獨愁
急五更風如煙殘方有焰雪甚却無聲如春雨
如危城三面水古樹一邊春如月明千嶠雪灘

有五色灑來花旋成如雲藏山色晴還媚風約
溪聲靜又回如未醉已知醒後憶欲開先爲落
時愁蓋征人淒苦之情孤愁幼眇之聲騷客婉
約之靈風物榮悴之英所謂周禮盡在魯矣讀
之使人發融洽之歡於荒寒無聊之中動慘戚
之感於笑談方懌之初國風之遺音江左之異
曲其果弦絕而不可煎膠歟然則謂唐人自李
杜之後有不能詩之士者是曹不火浣之論也
謂詩至晚唐有不工之作者是相靈寶哀梨之
論也或曰推官公之詩子能辨之子之言將使

誰辨之曰嗟乎後出有曹不無靈寶推官公其
已矣予則有憂也不然推官公其已乎吾何憂
哉推官公諱咸用唐末人也孟達請予序之後
二年乃能書以寄之孟達亦能詩殊有推官公
句法云紹熙四年十一月旣望誠齋野客廬陵

楊万里序

唐李推官披沙集目錄

隴西李咸用

卷第一

水仙操

雞鳴曲

西門行

輕薄怨

長歌行

巫山高

公無渡河

春雨

石版歌

春宮祠

富貴曲

獨鵠吟

煌煌京洛行

昇天行

緋桃花歌

短歌行

小松歌

大雪歌

塘上行

卷第二

寓意

劖喻

蒼頡臺

荆山

自君之出矣

妾薄命

君子行

銅雀臺

婕妤怨

悲哉行

携手曲

空城雀

放歌行

猛虎行

隴頭吟

關山月

覽友生古風

題友生叢竹

石版

江南曲

臨川逢陳百年

寄脩睦上人

讀脩睦上人歌篇

遠公亭牡丹

謝僧寄茶

送人

古意論交

自愧

卷第三

春風

夜吟

昭君

秋夕

秋日與友生言別

邊城聽角

秋日訪同人

寄楚瓊上人

遊寺

春日

論交

秋興

山居

遣興

待旦

送從兄坤載

惜別

早秋遊金山寺

秋日疾中寄諸同志

贈山僧

宿隱者居

送錢契明歸廬山

送進士劉松

贈任肅

題陳正字山居

贈來進士鵬

送曹稅

贈來鵬

途中作

秋晚

曉望

寄友生

江行

題王氏山居

送別

覽文僧卷

望仰山憶玄泰上人

聞泉

酬鄭進士新居見寄

九江和人贈陳生

卷第四

登樓值雨

送趙舒慶士歸廬山

僧院薔薇

友生携脩睦詩見訪

冬夕喜友生至

牡丹

送春

送邊將

春晴

冬夜宿遠公亭

落花

寄嵩陽隱者

早蟬

酬蘊微

萱草

訪友人不遇

苔

紅薇

別所知

小雪

和脩睦上人聽猿

庭竹

早行

哭所知

分題雪靈望爐峯

雪十二韻

廬山

和吳處士題村叟壁

謝友生遺端溪硯

和殷衙推春霖即事

卷第五

題陳將軍別墅

湘浦有懷

題陳處士山居

和蔣進士秋日

陳正字山居

言志

秋日送嚴湘侍御

題王處士山居

謝所知

秋望

送譚孝廉赴舉

途中逢友人

和人湘中作

贈陳望堯

宿漁家

旅館秋夕

悼范攄處士

送人

春暮途中

題陳正字林亭

送從兄入京

秋夕書懷寄所知

醺進士秦顥若

山中夜坐

題陳正字林亭

送河南韋主簿歸京

喻道

山中

物情

金谷園

投所知

贈友弟

春日逢鄉人劉松

夏日別余秀才

卷第六

廬陵九日

和人遊東林

和彭進士秋日

和彭進士感懷

寄題從兄村居

送黃賓于赴舉

冬日喜逢吳價

題劉處士居

送李尊師歸臨川

投知

吳處士寄香

草蟲

詠柳

寄所知

雪

緋桃花

秋日登庾樓

和人詠雪

和喜相遇十首

和脩睦山居十首

同友生春夜聞雨

同友生題杜鵑花

同祖上人觀山榴

別李將軍

早雞

別友人

唐李推官披沙集目錄終

唐李推官披沙集卷第一

瀧 西 李 咸用

水仙操

大波相拍流水鳴蓬山鳥獸多奇形琴心不喜
亦不驚安絃緩爪何泠泠水仙縹渺來相迎伯
牙從此留嘉名嶧陽散木虛且輕重華斧下知
其聲繁絲相糾成淒清調和引得薰風生指底
先王長養情曲終天下稱太平後人好事傳其
曲有時聲足意不足始羲羲兮復洋洋但見山
青兼水綠成連入海移人情豈是本來無嗜慾

琴兮琴兮在自然不在徽金將軫玉

雞鳴曲

海樹相扶烏影翹戴紅拍翠聲膠膠鴛瓦凍危
金距趨誇雄鬪氣爭相高漏殘雨急風蕭蕭患
亂忠臣欺寶刀霜濃月薄星昭昭太平才子能
歌謠山翁夢斷出衡茅谷口霧中飢虎號離人
枕上心忉忉

西門行

勞禽不擇枝飢虎不畏檻君子當固窮無爲仲
由濫爾奮空拳彼擊劙水縱長瀾火飛焰漢高

偶試神蛇驗武王龜筮驚人險四龍或躍猶依
泉小狐勿恃衝波膽

輕薄怨

花驥蹀蹀遊龍驕連連寶節揮長鞘鳳雛麟子
皆至交春風相逐垂楊橋捻笙軟玉開素苞盡
樓閃閃紅裾搖碧蹄偃蹇違金鑣狂情十里飛
相燒西母青禽輕飄飄分環破璧來往勞黃金
千鎰新一宵少年心事風中毛明朝何處逢嬌

饒門前桃樹空夭夭

長歌行

要衣湏破東砍炙湏解牛當年不快意徒爲他
人留百歲之約何悠悠華髮星星稀滿頭蛾眉
蠟首聊我仇圓紅闌白令人愁何不夕引清奏
朝登翠樓逢花便折聞勝即遊敲腕騰棍晴雷
收舞罷困裏垂楊柔象筋擊折歌勿休玉山未
倒非風流眼前有物俱是夢莫將身作黃金讎
死生同域不用懼富貴在天何足憂

巫山高

通蜀連泰山十二中有妖靈會人意鬪艷傳情
世不知楚王魂夢春風裏兩態雲容多似是色

荒見物皆成媚露泣煙愁巖上花至今猶滴相
思淚西眉南臉人中美或者皆聞無所利忍聽
憑虛巧僂言不求萬壽翻求死

公無渡河

有叟有叟何清狂行搔短髮提壺漿亂流直涉
神洋洋妻止不聽追沉湘偕老不借死笙簧遺
淒涼剗松輕穩琅玕長連呼急榜庸何妨見溺
不接能語狼忍聽麗玉傳悲傷

春雨

大帝閑吹破凍風青雲融液流長空天人醉引

玄酒注傾香旋入花根土濕塵輕舞唐唐春神

娥無跡莓苔新老農私與牧童論紛紛便是倉

箱本

石版歌

雲根劈烈雷斧痕龍泉功礫青皮皴直方挺質
貞且真當庭卓立凝頑神春雨流膏成立文主
人性靜看長新明月夜來迴短影何如照冷太

湖濱

春宮詞

風和氣淑宮殿春感陽體解思君恩眼光滴滴

心振振重瞳不轉憂生民女當爲妾男當臣
男力百歲在女色片時新用不用惟一人敢放
天寵私微身六官萬國教誰賓

富貴曲

畫藻雕山金碧彩鴛鴦疊翠眼睛靄編珠影裏
醉春庭團紅片下攢歌黛革咽絲煩歡不改繳
絳垂緹忽如晦活花起舞夜春來蠟焰煌煌天
日在雪暖瑤杯鳳體融紅拖象筋猩唇細空中
漢轉星移蓋火城擁出隨朝會車如雷芳馬如
龍鬼神闢卉不敢害冠峩劍重鏘環珮步入天

門相真宰開口長爲爵祿筌迴眸便是公卿罪
珠珍索得龍官貧膏腴刮下蒼生背九野干戈
指着心威福滿拳猶未快我聞周公貴爲天子
弟富有半四海蔑有驕奢貽後悔紅錦障收珊瑚
瑚樹碎至今笑石崇王愷

獨鵠吟

碧玉喙長丹頂圓亭亭危立風松間啄萍吞鱗
意已闌舉頭咫尺輕重天黑翎白本排雲煙離
群脫侶孤如仙披霜映月驚蟬娟逍遙忘却還
青田鳶寒鴉晚空相喧時時側耳清冷泉

煌煌京洛行

長安近甸巡遊遍洛陽尋有黃龍見千乘萬騎
如雷轉差差清蹕祥煙卷百司舊分當王殿太
平官屬無遺彥歌鍾沸激香塵散晨旗隱隱羅
軒冕周公舊跡生紅鮮漣漪波光春照晚但聽
嵩山萬歲聲將軍旗鼓何時偃

昇天行

堂堂削玉青蠅喧寒鴉啄鼠愁飛鸞梳玄洗白
逡巡間蘭言花笑俄衰殘盤金束紫身屬官強
仁小德終無端不如服取長流丹潛神却入黃

庭閑志定功成飛九關逍遙長揖辭人寰空中
龍駕時迴旋左雲右鶴翔翩聯雙童樹節當風
飈常娥倚桂開朱顏河邊牛子星郎牽三清宮
殿浮晴煙玉皇據案方凝然仙官立仗森幢幡
引余再拜歸仙班清聲妙色視聽安冷和飲順
中腸寬虛無之樂不可言

緋桃花歌

上帝春宮思麗絕天桃變態求新悅便是花中
傾國容牡丹露泣長門月野樹滴殘龍戰血曦
車碾下朝霞脣惆悵東風未解狂爭教此物芳

心歌

短歌行

一樽綠酒綠於染拍手高歌天地險上得青雲
下不難下在黃埃上湏漸少年歡樂湏及時莫
學懦夫長泣歧白日欲沉猶未沉片月已來天
半垂坎鼓鏗鍾殺愁賊按碎是非佯不識長短
高卑不可求莫歎人生頭雪色

小松歌

幽人不喜凡草生秋鋤斸得寒青青庭閑土瘦
根脚擰風搖雨拂精神醒短影月斜不滿尺清

聲細入鳴蛩翼天人戲剪蒼龍鱗參差簇在瑤
階側金精水鬼欺不得長與東皇逞顏色勁節
暫因君子移貞心不爲麻中直

大雪歌

同雲慘慘如天怒寒龍振牖飛乾雨玉圃花飄
朵不勺銀河風急驚砂度謝客憑軒吟未住望
中頓失縱橫路應是羲和倦曉昏暫反元元歸
太素歸太素不知歸得人心否

塘上行

橫塘日澹秋雲隔浪織輕颺羅幕幕紅綃撇水

蕩舟人盡橈摻摻柔荑白鯉魚虛擲無消息花
老蓮疎愁未摘却把金釵打綠荷懊惱露珠穿
不得

唐李推官披沙集卷第一

唐李推官披沙集卷第二

隴西李咸用

寓意

直道荆棘生斜徑紅塵起蒼蒼杳無言麒麟迴
瑞趾東風如未來飛雪終不已不知姜子牙何
處釣流水

劍喻

黯黯秋水寒至剛非可缺風胡不出來攝履人
相蔑縱挺倚天形誰是的提挈願將百鍊身助
我王臣節

蒼頡臺

先賢憂民詐觀跡成綱紀自有書契來爭及結繩理

荆山

良工指君疑眞玉却非玉寄言懷寶人不湏傷手足

自君之出矣

自君之出矣鶯鏡空塵生思君如明月明月逐

君行

妾薄命

妾命何太薄不及宮中水時時對天顏聲聲入君耳

君子行

君子慎所履小人多所疑尼甫至聖賢猶爲所縻

銅雀臺

但見西陵慘明月女妓無因更相悅有虞齒不有遺言滴盡湘妃眼中血

婕妤怨

莫恃芙蓉開滿面更有身輕似飛燕不得團圓

長近君珪月鉢時泣秋扇

悲哉行

雲色陰沉弄秋氣危葉高枝恨深翠用却春風
力幾多微霜逼迫何容易

携手曲

携手春復春未嘗漸離別夭夭風前花纖纖日
中雪不敢怨於天唯驚添歲月不敢怨於君祗
怕芳菲歇芳菲若長然君恩應不絕

空城雀

啾啾空城雀一啄數跳躍寧尋覆轍餘豈比巢

危幕茫茫九萬鵬百雉且爲樂

放歌行

蠹春蠹荼蓼蟲夢_避葵薜悠悠猶者心寂寂厭
清世如何不食甘命合苦其噬如何不趣時分
合辱其體至哉先聖情於物不凝滯

猛虎行

猛虎不怯敵烈士無虛言怯敵辱其班虛言負
其恩爪牙欺白刃果敢無前陣湏知易水歌至
死無悔慘

隴頭吟

行人何彷徨隴頭水咽寒沙戰鬼愁白骨風
霜功薄日暎曠秋怨氣陰雲結殺成邊將名名
著生靈滅

關山月

離離天際雲皎皎關山月羌笛一聲來白盡征
人髮潦唳孤鴻高蕭索悲風發雪壓塞塵清鶻
落沙場闊何當胡無人荷戈朝鳳闕

覽友生古風

伯牙鳴玉琴幽音隨指發不是鍾期聽俗耳安
能別高山閉巍峩流水空嗚咽一卷冰雪言清

泠泠心骨分明古雅聲諷諭成淒切皴散老松
根晃朗驪龍窟荆璞且深藏碧石方如雪金多
醜女妍木朽良工拙姦宄欺雷霆魑魅嫌日月
蝶迷桃李香鮒罔江湖闊不寐孤燈前舒卷忘
飢渴

題友生叢竹

菊華寒露濃蘭愁曉霜重指佞不長生蒲葦今
無種安如植叢篁他年待栖鳳大則化龍騎小
可釣璜用留煙伴獨醒迴陰冷閑夢何妨積雪
凌但爲清風動乃知子猷心不與常人共

石版

高人好自然移得它山碧不磨如版平大巧非
因力古蘚小青錢塵中看野色冷倚砌花春靜
伴踈篁直山僧苦轉頭如逢舊相識

江南曲

江南四月薰風低江南女兒芳步齊晚雲接水
共渺瀰遠沙疊草空萋萋白苧不堪論古意數
花猶可醉前溪孤舟有客歸未得鄉夢欲成山
鳥啼

臨川逢陳百年

麻姑山下逢真士玄膚碧眼方瞳子自言混沌
鑿不死大笑老彭非久視強爭龍虎是狂人不
保元和虛叩齒桃花兩過春光膩勸我一杯靈
液味教我無爲禮樂拘利路名場多忌諱不如
舍德反嬰兒金玉滿堂真可貴

寄脩睦上人

衣服田方無內容一入廬雲斷消息應爲山中
勝槩偏惠持惠遠多蹤跡尋陽有箇虛舟子相
憶由來一無事江邊月色到巖前此際心情必
相似似不似寄數字

讀脩睦上人歌篇

李白亡李賀死陳陶趙睦尋相次湏知代不乏
騷人貫休之後唯脩睦而已矣睦公睦公真可
畏開口向人無所忌才似煙霞生則媚直如屈
軼接則指意下紛紛造化機筆頭滴滴文章髓
明月清風三十年被君驅使如奴婢勸君休莫
容易世俗由來稀則貴珊瑚高架五色毫小小
不須煩藻思

遠公亭牡丹

鴈門禪客吟春亭牡丹獨逞花中英雙成膩臉

隈雲屏百般姿態因風生延年不敢歌傾城朝
雲暮雨愁娉婷藥繁蟻脚粘不行甜迷蜂醉飛
無聲廬山根脚含精靈發妍吐秀叢君庭溢江
太守多閑情欄朱繞絳留輕盈潺潺綠醴當風
傾平頭奴子啾銀笙紅葩艷交童星左文右
武憐君榮白銅堤上慙清明

謝僧寄茶

空門少年初地堅摘芳爲藥除睡眠
山茗樹朝陽偏暖萌如爪擎飛鳶枝膏露凝滴圓參
差失向兜羅綿傾筐短甌蒸新鮮白紵眼細勾

於研轄排古砌春苔乾躬勤寄我清明前金槽
無聲飛碧煙赤獸呵冰急鐵喧林風夕和真珠
泉半匙青粉攬潺湲綠雲輕綰湘娥鬟嘗來縱
使重支枕胡蝶寂寥空掩闌

送人

少皞開宮行帝業無刃金風剪紅葉鴈別邊沙
入暖雲蛩辭敗草鳴香閣有客爲儒二十霜酣
歌郢雪時飄揚不甘長在諸生下束書推乃劍離
家鄉利爪韁上鷹雄文霧中豹可堪長與鳥鳶
噪是宜摩碧漢以遐飛出南山而遠蹈况今大

朝公道天子文明團團月樹懸青青燕中有馬
如龍行不換黃金無駿名荆山有玉猶在璞未
遇良工虛擲鵠一壺清酒酌離情休向蒿中隨
雀躍

古意論交

擇交如掬金沙盡不得寶結交如乾銀產竭不成道我生四十年相識苦草草多爲勢利朋少
有歲寒操通財能幾何聞善寧相告茫然同夜
行中路自不保常恐管鮑情參差忽終老今來
旣見君青天無片雲語直瑟絃急行高山桂芬

約我爲交友不覺心醺醺見義必許死臨危當
指囷無令後世士重廣孝標文

唐李推官披沙集卷第二

唐李推官披沙集卷第三

隴西李咸用

春風

青帝使和氣吹噓萬國中發生寧有異先後自
難同輦草不銷力巖花應費功年年三十騎飄
入玉蟾宮

自愧

多負懸弧禮危時隱薜蘿有心明俎豆無力執
干戈壯士難移節貞松不改柯纓塵徒自滿欲
程待清波

夜吟

白兔輪當午
儒家業敢慵
竹軒吟未已
錦帳夢應重
落筆思成虎
懸梭待化龍
景清神自爽
風遞遠樓鍾

昭君

古帝修文德
蠻夷莫敢侵
不知桃李貌
能轉虎狼心
日暮邊風急
程遙積雪深
千秋青塚骨
留怨在胡琴

秋夕

寥廓秋雲薄
空庭月影微
樹寒棲鳥密
砌冷夜

蛩稀曉鼓軍容肅
踈鍾客夢歸吟餘何所憶
聖主尚宵衣

秋日與友生言別

利名心未已
離別恨難休
爲箇文儒業致多歧
路愁數花籬
菊晚片葉井梧
秋又決出門
計一樽期少留

邊城聽角

戍樓鳴畫角
寒露滴金槍
細引雲成陣
高催鴈着行
喚迴邊將夢
吹薄曉蟾光
未遂終軍志
何勞思故鄉

秋日訪同人

忽憶金蘭友推琴去自由遠尋寒澗碧深入亂
山秋見後却無語別來長獨愁幸逢三五夕露
坐對冥搜

寄楚瓊上人

遙知無事日對靜五峯秋鳥隔寒煙語泉和夕
照流凭欄踈磬盡暝日遠雲收幾句出人意風
高白雪浮

遊寺

王尚書
無家身自在時得到蓮宮秋覺暑衣薄老知塵

世空幽情憐水石野性任萍蓬是處堪閑坐與
僧行止同

春日

浩蕩東風裏徘徊無所親危城三面水古樹一
邊春衰艸難修道花時不稱貧滔滔天下者何
處問通津

論交

行虧何必富節在不妨貧易得笑言友難逢終
始人松篁貞管鮑桃李艷張陳少見歲寒後免
爲霜雪塵

秋興

木葉亂飛盡故人猶未還心雖遊紫闕時合在
青山近寺僧隣靜臨池鶴對閑兵戈如未息名
位莫相關

山居

草堂書一架苔徑竹千竿難世投誰是清貧且
自安隣居皆學稼客至亦無官憲尾何人聽涼
宵對月彈

遣興

風細酒初醒憑欄別有情蟬稀秋樹瘦雨盡晚

雲輕旅鬢一絲出鄉心寸火生子牟魂欲斷何
日是昇平

待旦

簷靜燕鷁語寥虛蟾影過時情因客老歸夢入
秋多蔽日群山霧滔天四海波吾皇思壯士誰
應大風歌

送從兄坤載

忍淚不敢下恐兄情更傷別離當亂世骨肉在他鄉語盡意不盡路長愁更長那堪回首處殘

照滿衣裳

惜別

細雨粧行色霏霏入戶來湏知相識喜却是別
愁媒白刃方盈國黃金不上臺俱爲鄒魯士何
處免塵埃

早秋遊山寺

閑卧雲巖穩攀緣笑戲猱靜於諸境靜高却衆
山高至理無言了浮生一夢勞清風朝復暮四
海自波濤

秋日疾中寄諸同志

閑居無勝事公幹卧來心門靜秋風晚人稀古

巷深花踈籬菊色葉減井梧陰賴有斯文在時
時得強尋

贈山僧

榮枯雖在目名利不關身高出城隍寺野爲雲
鶴隣松聲寒後遠潭色兩餘新豈住空空裏空
空亦是塵

宿隱者居

永日連清夜因君識躁君竹扉難掩月巖樹易
延雲曙鳥枕前起寒泉夢裏聞又湏隨計吏鷄

鶴迥然分

送錢契明尊師歸廬山

瘦倚青竹杖鑪峯指欲歸霜粘行日屢風暖到時衣凭檻雲還在攀松鶴不飛何曾有別恨楊柳自依依

送進士劉松

滔滔皆魯客難得是心知到寺多同步遊山未失期雲低春雨後風細暮鍾時忽別垂楊岸遙遙望所之

贈任肅

玄髮難姑息清雲有路歧莫言多事日虛擲少

年時松色雪中出人情難後知聖朝公道在中鵠勿差池

題陳正孚山居

怪來忘祿位習學近瀟湘相見處雲山好吟中歲月長花光籠晚雨樹影浸寒塘幾日憑欄望歸心自不忙

贈來進士鵬

語玄人不到星漢在靈空若使無良遇虛言有至公月明千嶠雪灘急五更風此際苦吟力分將造化功

送曹悅

摻袂向春風何時約再逢若教相見密肯恨別
離重芳草漁家路殘陽水寺鍾落帆當此處吟
興不應慵

贈來鵬

默坐非關悶凝情祇在詩庭閑花落後山靜月
明時荅客言多簡尋僧步稍遲旣同和氏璧終
有玉人知

途中作

瘦馬倦行役斜陽勸着鞭野橋寒樹亞山店暮

雲連退鷓風雖急攀龍志已堅路人休莫笑百
里有時賢

秋晚

斜陽山雨外秋色思無窮柳葉飄乾翠楓枝撼
碎紅鬢毛看似雪生計尚如蓬不及樵童樂蒹
葭一笛風

曉望

露驚松上鶴曉色動扶桑碧浪催人老紅輪照
物忙世情隨日變利路與天長好駕觥船去陶
陶入醉鄉

寄友生

交情應不變何事久離群圓月思同步寒泉憶
共聞雪霜松色在風雨鴈行分每見人來說窓
前改舊文

江行

瀟湘無事後征棹復嘔亞高岫留斜照歸鴻
背落霞魚殘沙岸草蝶寄洑流槎共說干戈苦汀
洲減釣家

題王氏山居

簷有煙嵐色地多松竹風自言離亂後不到敵

肇中徑柳拂雲綠山櫻帶雪紅南邊青嶂下時
見採芝翁

送別

別意說難盡離盃深莫辭長歌終此席一笑又
何時棹入寒潭急帆當落照遲遠書如不寄無
以慰相思

覽文僧卷

雖無先聖耳異代得聞韶怪石難爲古奇花不
敢妖調高非郢雪思靜礙箕瓢未可重吟過雲
山興轉饒

望仰山憶玄泰上人

晴嵐凝片碧知在此中禪見面定何日無書已
一年高秋闋靜夢良夜入新篇仰德心如是清
風不我傳

聞泉

澌澌夢初驚幽窓枕簟清更無人共聽祗有月
空明急想穿巖曲低應過石平欲將琴強寫不
是自然聲

酬鄭進士九江新居見寄

躡屐扣柴關因成盡日閑獨聽黃鳥語深似白

雲間萍沼寬於井莎城綠當山前期招我作此
景得吟還

九江和人贈陳生

天畏斯文憤憑君助素風意深皆有補句逸不
因功暮贊一作替雲愁遠秋驚月占空寄家當瀑布
時得笑言同

唐李推官披沙集卷第四

隴西李

咸用

登樓值雨

共訢高樓望併廬色已空白雲橫野闊遮岳與
天同數點雨入酒滿襟香在風遠江吟得出方
下郡齋東

江徼多佳景秋吟興未窮送來松檻雨半是蓼
花風浪猛驚翹鷺煙昏叫斷鴻不知今夜客幾
處卧鳴蓬

送趙舒處士歸廬山

歸岫香鑪碧行吟步益遲諸侯師不得樵客偶
相隨思舊江雲斷談玄岳月移祗應張野輩異
代作心知

僧院薔薇

客引擎茶看離披曠錦紅不緣開淨域爭忍負
春風小片當吟落清香入定空何人來此植應
固惱休公

友生携脩睦上人詩見訪

雪中敲竹戶袖出岳僧詩語盡景皆活吟闌角
獨吹意如將俗背業必少人知共約冰銷日雲

邊訪所思

冬夕喜友生至

天涯行欲遍此夜故人情鄉國別來久干戈還
未平燈殘偏有焰雪甚却無聲多少新聞見應
湏語到明

牡丹

少見南人識識來嗟復驚始知春有色不信爾
無情恐是天地媚暫隨雲雨生緣何絕尤物更
可比妍明

尤一

送春

四時爲第一一歲一重來好景應難勝餘花虛
自開相思九箇月得信數枝梅不向東門送還
成負酒杯

送邊將

天驕頻犯塞鐵騎又征西臣節輕鄉土雄心生
皷鼙地寒花不艷沙遠日難伍漸喜秋弓健鶻
翻白草齊

春晴

簷滴春膏絕憑欄晚吹生良朋在何處高樹忽
流鶯遊寺期應定尋芳步已輕新詩吟未穩遲

日又西傾

冬夜與脩睦上人宿遠公亭寄南岳玄

泰禪師

丈室掩孤燈更深寂寥增相看雲夢客共憶祝
融僧語合茶忘味吟歌卷有稜楚南山水秀行
止豈無朋

落花

拾得移時看重思造化功如何飄麗景不似遇
春風滿地餘香在繁枝一夜空祗應公子見先
憶墜樓紅

寄嵩陽隱者

昔年江上別初入亂離中我住乍山北君之少
室東信來經險道詩半憶皇風何事猶高卧巖
邊夢未通

早蟬

門柳不連野乍聞爲早蟬遊人無定處入耳更
應先暫默斜陽雨重吟遠岸煙前年湘竹裏風
激遙離筵

酬蘊微

白衣經亂世相遇一開顏得句禪意外論交野

步間舉朝無舊識入眼祇青山幾度斜陽寺訪
君還獨還

萱草

芳草比君子詩人情有由祇應憐雅態未必解
忘憂積雨莎庭小微風蘚砌幽莫言開太晚猶
勝菊花秋

訪友人不遇

出門無至友動即到君家空掩一庭竹去看何
寺花短僮應捧杖稚女學擎茶吟罷留題處苔
階日影斜

答

幾年風雨跡疊在石屏顏生處景長靜看來情
儘閑吟亭侵壞壁藥院掩空關每憶東行徑移
筇獨自還

紅薇

春雨有五色灑來花旋成欲留池上景別染草
中英盡出看還欠逋爲挿未輕王孫多好事攜
酒寄吟傾

別所知

有路有西東天涯自恨同却湏深酌酒況不比

飄蓬帆冒新秋雨敲傳微浪風閨牽寒氣早何
浦值賓鴻

小雪

散漫陰風裏天涯不可收壓松猶未得撲石暫
能留閣靜繁吟思途長拂旅愁崆峒山北面早
想玉成丘

和脩睦上人聽猿

禪客聞猶苦是聲應是啼自然無穩夢何必到
巴溪踈雨灑不歇迴風吹暫低此宵秋欲半山
在二林西

庭竹

嫩綠與老碧森然庭砌中坐銷三伏景吟起數
竿風葉影重還密梢聲遠或通更期春共看桃
映小花紅

早行

家國三千里中宵筭去程困纔成蝶夢行不待
鷄鳴馬首搖殘月鴉群起古城發來經幾堠村
寺遠鍾聲

哭所知

朝作青雲士暮爲玄夜人風燈無定度露薤亦

逡巡乘馬驚新塚書帷擺舊塵紙應從此去何
處福生民

分題雪霽望爐峯

雪霽立庭除爐峯勢轉孤略有煙作帶獨有影
沉湖冷觸歸鴻急明凝落照俱下缺

雪十二韻

六二凝陰氣同雲指上天結時風乍急集處叢
長先草穗翹祥燕陂椿吐白蓮大狂南陌上竹
醉小池前樵徑花黏纏漁舟玉帖舷陣經賜谷
薄勢想朔方偏槎面江搖錫籬頭曉列錢石苔

青鹿臥殿網素蛾穿嘶馬應思塞蹲鳥似爲燕
童癡爲獸汨僧愛用茶前念物希周穆含毫愧
惠連吟闌餘興逸還憶剡溪船

廬山

兆獄不言嶽此山通岳言高人居亂世幾處滿
前軒秀作神仙宅靈爲風雨根餘陰鋪楚甸一
柱表吳門靜得八公侶雄臨九子尊對猶青髮
眼到必冷凝魂勢受重湖譲形難七澤吞黑巖
藏畫電紫霧泛朝暉蓮情寧唯華玉焚堪小崑
倒松微發罅飛瀑遠成痕疊見雲容襯棱收雪

氣昏裁詩曾困謝作賦偶無孫流礙星光懶驚
衝鴈陣翻峯奇寒倚劍泉曲旋如益草短分鷁
雉林明露擲猿秋楓紅蝶散春石谷雷奔月好
虎溪路煙深栗里源醉吟長易醒夢去亦銷煩
有覺南方重無疑厚地掀輕揚聞舊俗端用鎮
元元

和吳處士題村叟壁

因閱鄉居景歸心寸火燃吾家依碧嶂小檻枕
清川遠雨籠孤戍斜陽隔斷煙沙虛遺虎跡水
洑聚蛟涎櫂麌茭汀蓼甘茶挈石泉霜朝巡栗

樹風夜探魚船戲日魚呈腹翹灘鷺並肩暮尋
盤石淨酒傍野花妍器以鋤爲利家惟竹直錢
飯香同豆熟湯暖摘松煎睡島鳬藏足攀藤阮
凍拳淺茅鳴鬪雉曲杵嘯寒鳶秋果榦梨澁晨
羞筍蕨鮮衣蓑留冷閣席草種閑田椎髻擔餉
餉厖眉識稔年嚇鷹芻戴笠驅犢篠充鞭不重
官於社常尊食作天谷深青靄蔽峯迥白雲纏
每憶關魂夢長誇表愛憐覽君書壁句誘我率

成篇

謝友生遺端溪硯瓦

尋常濡翰次恨不到端溪得自新知已如逢舊
解携既餘輕照乘謝卻等懸黎靜對勝凡客閑
窺憶好題媧天補剩石昆劍切來泥着指痕猶
濕停旬水未低呵雲潤柱礎筆彩飲虹霓鵠眼
工諳謬羊肝士乍剗連澌光比鏡囚墨膩於磐
書信成池黑吟湏到日西正誇憂盜竊將隱怯
攀躋捧受同交印衿持過秉珪草顛終近旭嬾
癖必無嵇用合緣鸚鵡珍應負曾稽貞姿還落
落寒韻或淒淒風月情相半煙花思豈迷宜從
方袋挈枉把短行批淺小金爲斗泓澄玉作隄

遇人依我惜想爾與天齊

行時祇

獨齋

和殷衙推春霖即事

東風吹暖雨潤下不能休古道雲橫白移時客
共愁綠沉莎似藻紅泛葉爲舟忽起江湖興疑
隣畎澮流此時無勝會何處滯竒遊陣急如甘
戰點麤成亂漚竹因添灑落松得長颶颶花慘
閑庭晚蘭深曲徑幽絲牽汀鳥足線掛岳猿頭
天地昏同醉寥區浩欲浮柳眉低帶泣蒲劍銳
初抽石鷺翻空重虫羅綴滴稠荷傾蛟淚盡巖

拆電鞭收豈直望堯喜却懷微禹憂樹滋堪採
菌磯沒懶垂鉤腥覺聞龍氣寒宜擁豹裘名膏
船作冷思稔必通侯蟋鳩徒喧競笙歌懶獻酬
山川藏秀媚草木逞調柔極目非吾意行吟獨
下樓

唐李推官披沙集卷第四

唐李推官披沙集卷第五

龍西李咸用

題陳將軍別墅

明王獮士猶疎在巖谷安居最有才高虎壯言
知鬼伏葛龍關目待時來雲藏山色晴還媚風
約溪聲靜又迴不獨春光堪醉客庭除長見好

花開

湘浦有懷

鴻鴈哀哀背朔方餘霞倒影畫瀟湘長汀細草
愁春浪古渡寒花倚夕陽鬼樹夜分千炬火漁

舟朝卷一蓬霜儂家本是持竿者爲愛明時入

帝鄉

題陳處士山居

蓮遶閑亭柳遶池蟬吟暮色一枝枝未逢皇澤
搜遺逸贏得青山避亂離花圃春風邀客醉茆
簷秋雨對僧碁樵童牧豎勞相問巖穴從來出

帝師

和蔣進士秋日

晚雨霏微思杪秋不堪才子尚羈遊塵隨別騎
東西急波促年華日夜流涼月雲開光自遠古

松風在韻難休男兒但得功名立縱是深恩亦
易醡

陳正字山居

一葉閑飛斜照裏江南仲蔚在蓬蒿天衢雲險
鴛鴦蹇月桂風和夢想勞遶枕泉聲秋雨細對
門山色古屏高此中即是神仙地引手何妨一
釣鼈

與劉三禮陳孝廉言志

真宰無私造化均年年分散月中春皆期早躡
青雲路誰肯長爲白社人宋國高風休歛翼聖

朝公道易酬身大湏審固穿楊箭莫遣參差贖

雪新

秋日送嚴湘侍御歸京

蟾影珪圓湖始波楚人相別恨偏多知君有路
昇霄漢獨我無由出薜蘿雖道危時難進取到
逢清世又如何誰聽鼙戚敲牛角月落星稀一
曲歌

題王處士山居

雲木沉沉夏亦寒此中幽隱幾經年無多別業
供王稅太半生涯在釣船蜀魄叫迴芳草色鶯

鶯飛破夕陽煙干戈帽起能高卧只箇逍遙是
謫仙

謝所知

狂歌狂舞慰風塵心下多端亦嬾言早是亂離
輕歲月誰能愁悴過朝昏聖朝公道如長在賤
子謀身自有門却愧此時叨厚遇他年何以報
深恩

秋望

雲陰慘澹柳陰稀遊子天涯一望時風閃鴈行
跡又宻地迴江勢急還遲榮枯物理終難測貴

賤人生自不知未達誰能多歎息塵埃爭損得
男兒

送譚孝廉赴舉

跛輦聲裏尋詩禮戈戟林間入鎬京好事盡從
難處得少年無向易中輕也知貴賤皆前定未
見踈慵遂有成吾道近來稀後進善開金口答
公卿

途中逢友人

大道將窮阮籍哀紅塵深翳步遲迴皇天有意
自寒暑白日無情空往來霄漢何年徵賦客煙

花隨處作愁媒相逢且快眼前事莫厭狂歌酒
百盃

和人湘中作

湘川湘岸兩荒涼孤鴈號空動旅腸一棹寒波
思范蠡滿樽醇酒憶陶唐年華蒲柳凋衰鬢
跡萍蓬滯別鄉不及東流趨廣漢臣心日夜與
天長

贈陳望堯

若說精通事藝長詞人爭及孝廉郎秋螢短焰
難盈按隣燭餘光不滿行鵠箭親疎雖異的桂

花高下一般香明時公道還堪信莫遣錐鋒久
在囊

宿漁家

促杼聲繁螢影多江邊秋興獨難過雲遮月桂
幾枝恨煙罩漁舟一曲歌難歎斯人雖隱遁明
時公道復如何陶家壁上精靈物風雨未來終
是梭

旅館秋夕

牢落生涯在水鄉只思歸去泛滄浪秋風螢影
隨高柳夜雨聲聲上短牆百歲易爲成荏苒丹

宵誰肯借梯航若教名路無知己兀馬塵中是
自忙

悼范撝處士

家在五雲溪畔住身遊巫峽作閑人安車未至
柴關外片玉已藏墳土新雖有公卿聞姓字惜
無知己脫風塵到頭積善成何事天地茫茫秋

又春

送人

一軸煙花滿口香諸侯相見肯相忘未聞珪璧
爲人棄莫倦江山去路長盈耳暮蟬催別騎數

杯浮蟻咽離腸眼頭多少難甘事自古男兒湏

五

五

自強

春暮途中

細雨如塵散暖空數峯春色在雲中湏知觸目
皆成恨縱道多文爭艤窮飛燕有情依舊閣垂
楊無力受東風誰能會得乾坤意九土榮枯自
不同

題陳正字林亭

曉煙輕翠拂簾飛黃葉飄零弄所思正是低摧
吾道日不堪惆悵異鄉時家林蛇豕方群起宮

沼龜龍未有期賴有平原憐賤子滿亭山色借
吟詩

送從兄入京

柳轉春心梅艷香相看江上恨何長多情流水
引歸思無賴嚴風促別觴大抵男兒湏振奮近
來時事懶思量雲帆高挂一揮手目送煙霄鴈
斷行

秋夕書懷寄所知

秋螢一點雨中飛獨立黃昏思可知三島路遙
身汨沒九天風急羽差池年華逐浪催霜髮旅

恨和雲拂桂枝不向故人言此事異鄉誰更念
棲遲

醣進士秦顥若

鶯默平林燕別軒相逢相笑話生前低飛旅恨
看霜葉曲寫歸情向暮川在野孤雲終捧日朝
宗高浪本蒙泉何勞悵望風雷便且混魚龍黯
武年

山中夜坐寄故里友生

展轉簷前睡不成一床山月竹風清蟲聲促促
催鄉夢桂影高高挂旅情禍福既能知倚伏行

藏爭不要分明可憐任永真堅白淨洗雙眸看
太平

春日題陳正字林亭

周迴勝異似仙鄉稍減愁人日月長幕繞虛簷
高岫色鏡臨危檻小池光絲垂楊柳當風軟玉
坼含桃倚徑香南北近來多少事數聲橫笛怨
斜陽

送河南韋主簿歸京

嚴風愛日淚闌干去住情途各萬端世亂敢言
離別易時清猶道路行難舟維晚雨湘川暗袖

拂晴嵐峴首寒見說滿朝親友在肯教憔悴出
長安

喻道

漢武秦皇漫苦辛那思俗骨本含真不知流水
潛催老未悟三山也是塵牢落沙丘終古恨寂
寥函谷萬年春長生客待仙桃餌月裏嬋娟笑
殺人

山中

一簇煙霞榮辱外秋山留得傍簷楹朝鍾暮鼓
不到耳明月孤雲長挂情卅上路歧何繚繞水

邊蓑笠稱平生尋思阮籍當時意豈是途窮泣
利名

物情

誰分萬類二儀間稟性高卑各自然野鶴不棲
葱蒨樹流鶯長喜艷陽天李斯溷鼠心應動莊
叟泥龜意已堅成是敗非如賦命更教何處認
愚賢

金谷園

石家舊地聊登望寵辱從茲信可驚鳥度野花
迷錦障蟬吟古樹想歌聲雖將玉貞同時死却

羨蒼頭此日生多積黃金買刑戮千秋成得綠珠名

投所知

手欠東堂桂一枝家書不敢便言歸挂簷晚兩思山閣拂岸煙嵐憶釣磯公道甚平才自薄丹霄好上方猶微誰能借與搏扶勢萬里飄飄試一飛

贈友弟

螢焰燒心雪眼勞未逢嘉夢見三刀他時詎有鹽梅味今日猶疑腹背毛金埒曉羈千里駿玉

輪寒養一枝高誰能終歲搖頸尾唯唯洋洋向碧濤

春日喜逢鄉人劉松

故人不見五春風異地相逢嶽影中舊業父拋耕釣侶新聞多說戰爭功生民有恨將誰訴花木無情祇自紅莫把少年愁過日一樽須對夕陽空

夏日別余秀才

岳麓雲深麥雨秋滿傾盆酒對湘流沙邊細柳牽行色水面輕煙盡別愁敢待傳巖成好夢任

從磻石挂纏鈎鏡機冲漠非吾事自要青雲識
五侯

唐李推官披沙集卷第五

唐李推官披沙集卷第六

隴 西 李 咸用

廬陵九日

菊花山在碧江東冷酒清吟興莫窮四十三年
愁裏過幾多般事亂來空雖驚故國音書絕猶
喜新知語笑同竟日開門無客至笛聲迢遞夕
陽中

和人遊東林

一從張野卧雲林勝槩誰人更解尋黃鳥不能
言往事白蓮虛發至如今年年上國榮華夢世

世高流水石心始欲共君重悵望紫霄峯外日沉沉

和彭進士秋日遊靖居山寺

秋山入望已無塵況得閑遊謝事頻問着盡能言祖祖見時應不是真真添瓶野水遮還急伴塔幽花落又新自笑未曾同逸步終非宗炳社中人

和彭進士感懷

人生誰肯便甘休遇酒逢花且共遊若向雲衢陪驥尾直湏天畔落旄頭三編大雅頻關興一

冊南華旋解憂四海英雄多獨斷不知何者是長籌

寄題從兄坤載村居

隣並無非樵釣者莊生物論宛然齊雨中寒樹愁鶲立江上殘陽瘦馬嘶說與衆傭同版築呂將群叟共磻溪覆巢破卵方堪懼取次梧桐鳳且棲

送董賓于赴舉

秋風昨夜滿瀟湘衰柳殘蟬思客腸早是亂來無勝事更堪江上楫離觴澄潭濯鯉搖輕浪落

日飛鳬趁遠檣漁父不湏探去意一枝春裏月

中央

冬日喜逢吳價

垂楊煙薄井梧空千里遊人駐斷蓬志意不因
多事改鬢毛難與別時同鶯遷猶待銷冰日鵬
起還思動海風窮達他年如賦命且陶真性一
杯中

題劉處士居

鼈破嵐光半畝餘竹軒蘭砌共清虛泉經小檻
聲長急月過脩篁影旋踈溪鳥時時窺戶牖山

雲往往宿庭除干戈謾道因天意渭水高人自
釣魚

送李尊師歸臨川

蟠桃一別幾千春謫下人間作至人塵外煙霞
吟不盡鼎中龍虎伏初馴除存紫府無他意終
向青冥舉此身辭我麻姑山畔去蔡經蹤跡必
相親

投知

西望長安路幾千遲回不爲別家難酌量才地
心雖動點檢囊裝意又闌自是遠人多蹇滯近

來仙榜半孤寒嘶風重訴牽鹽耻伯樂何妨轉眼看

吳處士寄香兼勸入道

謝寄精專一稔香勸予朝禮仕虛皇須知十極皆臣妾豈止遺生奉混茫空掛黃衣寧續壽曾聞玄教在知常但居平易俟天命便是長生不死鄉

草蟲

如繅如織暮幽幽應節催年使我愁行客語停孤店月高人夢斷一床秋風低蘚逕疑偏急雨

咽槐亭得暫休須付畫堂蘭燭畔歌懷醉耳兩悠悠

詠柳

日近煙饒還有意東垣西掖幾千株牽仍別恨知難盡誇衒春光恐更無解引人情長婉約巧隨風勢強盤紆天應繡出繁華景處處茸絲惹路衢

寄所知

曾將俎豆爲兒戲爭柰干戈阻素心遁去不同秦客逐病來還作越人吟名流古集典衣買僻

寺奇花貰酒尋從道趣時身計拙如非所好肯

開襟

雪

上帝無私意甚微欲教霖雨更光輝也知觸處
花相似可到貧家影便稀雲漢風多銀浪濺崑
山火後玉灰飛高樓四望吟魂斂却憶明皇月

殿歸

緋桃花

茫茫天意爲誰留深染夭桃備勝遊未醉已知
醒後憶欲開先爲落時愁癡蛾亂撲燈難滅躍

鯉傍驚電不收何事梨花空似雪也稱春色是
悠悠

同友人秋日登庾樓

蘭摧菊暗不勝秋倚着高樓思莫收六代風光
無問處九條煙水但凝愁誰能百歲長閑去祇
箇孤帆豈自由欲學仲宣知是否臂弓聾劒逐

時流

和人詠雪

輕輕玉疊向風加襟袖誰能認六葩高岫人迷
千尺布平林天與一般花橫空落驛雲遺屑撲

浪翩聯蝶寄槎公子鎮前流遠思不知何處客

程賒

和友人喜相遇十首

爲儒自愧已多年文賦歌詩略不專肯信披沙
難見寶只憐苦草易成編燕昭寤寐常求駿郭
隗尋思未是賢且固初心希一試箭穿正鵠豈
無緣

揣情摩意已無功只把篇章助國風宋玉謾誇
雲雨會謝思寧許夢魂通愁成旅鬢千絲亂吟
得寒缸短焰終難壯好居郊野地出門常喜與

人同

惠子休矜學五車沛公方起斬長蛇六雄互欲
吞諸國四海終湏作一家自古經綸成世務暫
時朱綠比朝霞人生心口宜相副莫使堯階草
勢斜

不傍江煙訪所思更應無處展愁眉數杯竹閣
花殘酒一局松窓日午甚多病却疑天與便自
愚潛喜衆相欺非窮非達非高尚令笑行藏祇
獨知

閑吟閑坐道相應遠想南華亦自矜拋擲家鄉

輕似夢尋常心地冷於僧和羹使用非胥靡憶
鮓言詞小季鷹唯伏十篇金玉韻此中高旨莫

階升

已向丘門老此軀可堪空作小人儒吟中景象
千般有書外囊裝一物無潤屋必能知早散輝
山應是不輕沽短衣寧倦重修謁誰識高陽舊

酒徒

松桂寒多衆木分輕浮如葉自紛紜韶咸古曲
教誰愛山水清音喜獨聞上國共知傳大寶舊
交寧復在青雲相逢莫厭杯中酒同醉同醒祇

有君

還淳反朴已難期依德依人敢暫違寡欲自應
剛正立無私翻覺友朋稀旄頭影莫侵黃道傳
說星終近紫微年紀少他蘧伯玉幸因多難早
知非

麻衣未識帝城塵四十爲儒是病身有恨不關
銜國耻無愁直爲倚家貧齊輕東海二高士漢
重商山四老人一種愛閑閑不得混時行止却
應真

任說天長海影沉友朋情比未爲深唯應樂處

無虛日太半危時得道心命達夭殤同白首價
高輒瓦即黃金他年有要玄珠者赤水紫糴試
一尋

依韻脩睦上人山居十首

生身便在亂離間遇柳逢花作麼看老去轉諳
無是事本來何處有多般長憐蠟蠻能隨暖獨
笑梧桐不耐寒覆載我徒爭會得大鵬飛尚未
知寬

雲泉日日長松寺絲管年年細柳營靜躁殊途
如自識榮枯一貫亦何爭道傍病樹人從老溪

上新苔我獨行若見淨名居士語逍遙全不讓
莊生

莫言天道終難定湏信人心盡自輕宣室三千
雖有恨成周八百豈無情栢緣執性長時瘦梅
爲多知兩番生不是不同明主意嬾將唇舌與
齊烹

不論軒冕及漁樵性與情違漸漸遙季子禍從
憐富貴顏生道在樂簞瓢清閑自可齊三壽忿
恨還湏戒一朝好學堯民隈舜日短裁孤竹理

雲韶

春風春雨一何頻
望極空江覺損神
鶯有來由重入谷
柳無情緒強依人
漢庭謁者休言事魯
國諸生莫問津
賴是水鄉樗櫟賤
滿爐紅焰且相親

三十年來要自觀
覆春冰恐未爲難
自於南國同埋劍
誰向東門便掛冠
早是人情飛絮薄
可堪時令太行寒
多慙幸住厔山下
偷得穠嵐坐卧看

畹蘭未必因香折
湖象多應爲齒焚
薰濟直饒同巨楫
自由何似學孤雲
秋深櫟菌樵來得
木

未山鼯夢斷
聞閑凭竹軒
遊子過
替他愁見日
西曛

何事深山嘯
復歌短弓長
劍不如他且
箚青史垂名穩
從道前賢自滯
多鷁鸕敢辭
棲短棘鳳凰猶
解怯高羅人生
若得逢堯舜便是
巢由亦易過

太玄太易小
窻明古義尋來
醉復醒西伯縱
逢頭已白步兵如
在眼應青寒猿
斷後雲橫檻宿鳥
驚時月滿庭此景
得閑去得人間無
事不曾經

壯氣雖同德不同項王何似王江東鄉歌寂寂
荒丘月漁艇年年古渡風難世斯人猶不達此
時吾道豈能通吟君十首山中作方覺多端摠
是空

同友生春夜聞雨

春雨三更洗物華亂和絲竹響豪家滴繁知在
長條柳點重愁看破朵花簷靜尚疑薰霧細燈
搖應是逐風斜此時農叟渾無夢爲喜流膏潤
穀牙

同友生題僧院杜鵑花得春字

若比衆芳應有在難同上品是中春牡丹爲性
踈南國朱槿操心不滿旬留得却緣真達者見
來寧作獨醒人鶴林太盛今空地莫放枝條出
四隣

同玄昶上人觀山榴

病隨支遁偶行行正見榴花獨滿庭瘦竹成林
人不看却應羞得強青青

別李將軍

一拜虬髯便受恩宮門細柳五搖春男兒自古
多離別懶對英雄淚滿巾

早雞

錦翅朱冠驚四隣稻梁恩重職司晨不知下土
兵難戢但報明時向國人

別友人

北吹微微動旅情不堪分手在平明寒雞不待
東方曙喚起征人踏月行

唐李推官披沙集卷第六

第35123號
平成 3.11.22
聖和大學
園短書館
928
七

